

季世樓詩存

花近樓詩存
初編三卷

瞿鴻禨署



甲寅臘月
刊於滬上

花近樓詩存序

曩讀黔詩導源桐埜端雲振采於玉屏柴翁藹謨於遵義邵亭博學彌宏妍茂之規襟材逸才亦專麗則之體扶輿靈淑鍾美區陬䟽酌清英騰蕤藝苑暨於今而我庸庵尙書益昌其緒焉夫蘿袞之致不一藻詠之境斯殊集苑枯而飛鳴異者閔乎勢也適陰陽而舒慘別者域乎情也田鄭諸人一起徵車未挂朝籍頤光卷領藻鏡山樊躡屩軍僑控搏簿領謳歌所託寒冗爲多公疏照鼎門參華茂列七誘十醉縵橐乎羣言五志九能肴核乎瑋藝崔從風望準則後生顧雅立朝激昂讜議內

康三輔之民出作八州之督北門鎖鑰望重侯釐東壁
圖書光分列緯揆藻天宇和朱干荅落之章謳吟雲陛
賡黃爵玄雲之曲固宜韶諧金奏詞蔚丹青廬牟百昌
暉麗萬有杜陵吟詠皆屬史材元豐歌行悉關掌故旗
亭傳黃河之曲畫壁相矜蠻徼織春雪之吟弓衣都遍
英絕領袖微公誰歸惟是冬郎偃轂言懷吹鑿王逸悼
時意窮澆饌雷淵廉散託孤夢以爭王舟壑潛移哀高
邱之無女蓋自庚申應讖而還甲子編年之始崎嶇江
介流冗兵間而公之詩又一變矣挽葵鄉之頽日惻愴
屯諛攀獺尾於車輪沈吟壽戚箕餘黍離之泣恐近嬾

人靈均橘頌之篇睠思君子蕉亭述事渺若前塵蓬累
獨行空師田水觀帝江之妙舞法曲憶於鈞天約懶瓚
之逸倫憂思同乎汐社俯仰家國徘徊死生仰視先達
抱負不同遭際彌戚軫符天之生事侘僚可知效斫地
之悲歌塞懷誰喻此又開府所言不無危苦之詞惟以
悲哀爲主者矣嗟乎人間何世移天之術將窮生也有
涯藏山之業斯在衣冠南渡分作流人丹漆西行猶敦
微尙九秋肺腑結遺想於蒲卑萬劫修羅託呻吟於藕
孔猥以無文幸承光誦雷霆在戶頓失聆聽風雨閉門
相存簪產倆儒劓而偷息假副墨而論膺庶幾沈之簪

井比本穴十空之經藏之家衛埒會昌一品之集庚午
十月愚姪黃孝紓公渚謹序

壬癸之交僕與 庸盦同年並蟄滬上陳迹落落邈若
燕勞微尙謇謇依於蛩駘向秀有觸乍經黃壚管甯無
歸且岸阜帽眷靈修兮易化吹參差兮誰思北祖旣孤
擊漸離之斷筑南歸不復撫元量之碎琴望楚澤而行
吟念周京而寤歎於時白社方張青樓競逐晨賭旗亭
之唱夕聯石鼎之吟時非天寶乃縱八仙之歌世非建
安自標七子之作魚腹將爛而優游釜中燕羽旣鍛而
差池幕上於戲異矣僕與 庸盦獨絃哀歌鍵戶深語
羈鶴一反人民已非荒雞再鳴風雨如晦間有吟諷互
相譌弄 庸盦都兩歲所作授之蒯氏屬綴瑣言用鏡

來許僕本恨人亦耽苦語摩挲鈔銅狄甯復人間顧瞻玉
堂眞在天上竊不自揆從庸盦後關右羈客解歌五
噫杜陵野翁潛行二曲而卷施之草苦心先拔婆娑之
樹生意都盡一編流覽萬感橫集神摧氣索聊復序之
甲寅臘日金壇馮煦

花近樓詩存卷一

貴陽陳夔龍笈石

壬子集

上

元旦口號

祇有心香一瓣燒
行囊猶賸舊金貂
千門萬戶春何處
枕上惓惓夢早朝

和花農同年元日感事詩韻

朝正猶憶鳳城春
曾是先皇蟻蝨臣
解語流鶯辭禁樹
問安鸚鵡喚宮人
石填滄海年年恨
棋換長安著著新
康樂榮叨文母賜

年前蒙

慈聖賜康樂直

強扶

衰病拜元辰

新正二日作示亭秋

西望憂何極南歸願未償浮雲迷向背斜日半昏黃
蕉葉醒殘夢梅花罷晚妝吾衰君亦病容易感年光

疊韻二首

著手能回一室春全憑靈藥配君臣閒從松下問童子
始信橘中多壽人耿耿丹心猶未死蕭蕭白髮尙如新
良醫不解龍蛇讖何況年非已與辰

宮北宮南不算春

津郡天后宮北與宮南塵市最盛每當春時遊人如織

却從海

市狎波臣樓中王粲思歸客坐上何堪舊酒人花徑就

荒容菊傲舞臺初罷泣衣新眉痕又見初三月星宿爭
光尙拱辰

人日夜酌遣興

題詩難寄故園春老病栖遲尙海濱花市酒家猶賣酒
草堂人日不逢人傳來蠟燭千條淚付與煙蓑一葉身
投轄去年賓盡醉

去年人日曾召幕府諸君小飲

豪情今夜減陳遵

題徐母鄭太夫人都梁香閣遺集

通德門前帶草披外家經筭授佳兒誰知賢母清芬遠
別有生花筆一枝

避兵曾遇亂離年陶孟風規闕外傳留得白頭徐孺子

重經劫火護遺編

和潤甫同年人日見懷

未許揮戈學魯陽猶堪濡筆和儲王客星揖客穿花徑

日前日本前駐蘇州領事白須直君來訪乃五年前舊雨也

人日懷人憶草堂朔縱

羊存驚歲改更無鼉報覺宵長郵程幸不睽千里醉月
先飛一羽觴

寄許子原兄上海

舞衫歌扇別家筵作客登樓思悄然待燕遲將簾箔下
折花醉當酒籌傳斬新眉樣纖纖月不斷情絲裊裊煙
聞說江南春信早那堪同遇亂離年

和大兄青島度歲

白雲蒼狗皆成幻，萬戶千門豈是春。
徐福原爲蓬島客，陶潛合署葛天民。
觸君骨肉飄零感，顧我江湖老病身。
昨夜六街烽火急，不堪重憶輭紅塵。

昨夕京師兵變東城焚掠一空

紛紛割據說平權，殘局誰爭著子先。
一姓河山歸浩劫，五侯家世散輕煙。
馬逢病後偏愁坂，龍遇潛時或在淵。
珠海笙歌津海月，去年猶是太平年。

和大兄見懷

閒從燕市訪屠沽，悔未西泠伴老逋。
却喜家書慰離索，遑論吾道有隆汙。
共看明月關山隔，獨剔寒燈旅館孤。

松菊猶存堅晚節卅年三徑惜荒蕪

風雨彭城夜賦詩東坡心事潁濱知浮生久已如萍聚
行邁何堪詠黍離元夕買燈情寂寂孤臣去國意遲遲
眼前不少興亡恨陶寫無端寄竹絲

十四夜感事作

十年生聚談何易一夕燒殘絕可憐豈買春燈鬧元夜
況聞烽火照甘泉福緣未種先胎禍人事不臧莫問天
獨倚高樓揩病眼兩行淚灑劫灰前

元夜逢京師友人

夕陽紅盡暮天青沽口潮回第幾丁寒夜如逢劉雪舫

春燈猶唱阮懷甯別來風月誰爲主話到滄桑淚已零
同受先朝恩禮渥知交寥落愴晨星

與客夜話疊前韻

壯歲然藜照閣青老來種菜學園丁麻鞋縱不如臣甫

卓帽猶堪效管甯十里鶯花春旆旒

夷場十里燈火繁盛

一身書

劍客飄零

謂嚴晴初徐小舟王次臯諸君

門前大似瓜洲渡野火蕭疏

三兩星

樓望三疊前韻

檻外煙嵐一角青檐前響送鐵冬丁石難補處天終漏
陸到沈時地失甯去日樓臺誰管領望風蒲柳已凋零

遲遲春夜開春酌痛飲惟將酒勸星

示亭秋四疊前韻

眉痕難畫遠山青簾爲看雲半捲
丁客裏逢人猶話舊鄉關無地可歸甯
茶鑪烹火含煙輭妝鏡簪花帶露零
記得草堂詩寄遠小窗共倚數春星

昨寄上海許子原兄詩箋

有感五疊前韻

途窮莫問阮瞻青厄運偏教百六丁
已覺褚淵愧袁粲俄聞淩統代甘甯
乘桴北海眠雲晚破斧東山望雨零
太息繁華三輔地燎原誰縱火星星

對榮文忠公丁文誠公遺像有感六疊前韻